

通鑑綱目

十二之下

31
1
23


東 京 圖 書 館			
漢書門	正史類	別函	五架
			一八號
			九七冊

漢 書 門			
類	號	函	架
	五九六七	一五	一三
			九七

內 閣 文 庫		
漢	五九六七	三函
	九七	一
		九

內 閣 文 庫		
番 號	漢	5967
冊 數		97 (23)
函 號		283 35

廿四



綴じ部(喉部分)の文字など開きが不鮮明な箇所あり

書其以稱職
書者鮮矣

淺草文庫

丑乙 二年春正月大疫

書法

綱目書疫十有五其書大者十一詳
秦戊午年靈帝凡五書焉民可知矣

而未聞救災之政
靈之為靈宜哉

○二月南宮雲臺災

張讓趙忠說帝歛天下田畝十錢以脩宮室
鑄銅人樂安太守陸康上疏諫曰昔魯宣稅
晦而鰥災自生哀公增賦而孔門非之豈有
聚奪民物以營無用之銅人捐捨聖戒自蹈

九卷通志卷之三十三

二王之法哉。內倖諸康，援引亡國，以譬聖明。大不敬，檻車徵詣廷尉。侍御史劉佾奏陳，解釋得免，歸田里。康續之孫也。又詔發州郡材木、文石、黃門常侍，輒令譴呵不中者，因強折賤買，僅得本賈十一。復貨之中者，亦不即受。材木腐積，宮室連年不成。刺史太守復增私調，百姓呼嗟。又令西園騶分道督起，恐動州郡，多受賕賂。牧守茂材孝廉，遷除皆責助軍。脩宮錢當之官者，皆先至西園諧價，然後得去。鉅鹿太守司馬直以有清名，咸責三百萬。直悵然曰：「為民父母，而反割剝百姓，以稱時求，吾不忍也。」辭疾不聽。行至孟津，上書極言吞藥自殺。書奏帝，為暫絕脩宮錢。

集覽

災天火曰火，人火曰樂安郡名，今棗州。

是陸康。陸續之孫魯宣，稅畝而蠲災，自生春。秋書魯宣公十五年，初稅畝。至冬，蠲生饑災。異可見。哀公增賦而孔門非之。論語魯哀公問於有若曰：「年饑，用不足，如之何？」有若對曰：「盍徹乎？」公曰：「二吾猶不足，如之何其徹也？」對曰：「百姓足，君孰與不足；百姓不足，君孰與足？」本價十分之一分。騶音鄒，說文廢御也。孟津郡名，今孟州。是注見帝玄更始二年。南宮雲臺注見明帝永平三年一統志云：樂安，漢之郡名，治陽信縣。二國魏分置樂陵郡，晉為樂安國。隋置棗州，唐徙治樂陵縣。天寶初改為樂安郡。乾元初復為樂安州。五代梁及宋皆因之。元置濱棗路，後改棗州。本朝改為武定州，以厭次縣省入仍屬。

質實

南宮雲臺注見明帝永平三年一統志云：樂安，漢之郡名，治陽信縣。二國魏分

濟南府陸康吳郡人
劉岱牟平人寵之弟

黑山賊褚燕降

自張角之亂所在盜賊並起博陵張牛角常
山褚飛燕及黃龍左校于氏根張白騎劉石
左髡丈八平漢大討司隸緣城雷公浮雲白
雀楊鳳于毒五鹿李女目白繞眭固若蝻之
徒不可勝數張牛角死令其眾奉飛燕為帥
部眾寢廣殆至百萬號黑山賊河北並被其
害朝廷不能討燕乃遣使乞降遂拜
燕平難中郎將使領河北諸山谷事
在順德路內丘縣之山谷博陵地名元為中
山國改定州常山元名鎮州今改真定路是

也

質實

一統志云黑山在順德府沙河縣西
北四十里山石多黑故名博陵地名

注見周威烈王二十三年中山
常山郡名注見光武建武九年

三月以崔烈為司徒

時三公往往因常侍阿保入錢西園而得之
段熲張温等雖有功勤名譽然亦先輸貨財
烈本冀州名士至是因傳毋入錢
五百萬故得為司徒而聲譽頓衰
廣韻訓
光也

質實

冀州注見秦二
世二年信都國

北宮伯玉等寇三輔遣皇甫嵩討之

通鑑

漢書

卷

時涼州兵亂不鮮徵發天下役賦無已崔烈以爲宜棄涼州詔會公卿百官議之議即傳變厲言曰斬司徒天下乃安尚書劾之帝召問狀變對曰涼州天下要衝國家藩衛今牧御失和使一州叛逆烈爲宰相不思所以弭之之策乃欲割棄一方萬里之土若使左袵之虜得居此地士勁甲堅因以爲亂此天下之至慮社稷之深憂也帝從之

集覽

弭毋婢反說文弓無緣曰弭又訓止亂左袵夷狄之俗也

夏四月大雨雹○六月封宦者張讓等十三人

爲列侯

以討張角功也

書法

史曰以討張角功也破黃巾殺張角者盧植王允皇甫嵩也或檻車或下獄或收印綬而讓等乃以功封漢之亡決矣

發明

盧植討破張角檻車召還王允討破黃巾下獄減死張讓不出國門其賓客又與賊交通乃反以討張角受封然綱目於此止以封宦者書之者所以不沒其實且無功之可書也夫有功者獲罪而無功者錫爵漢之刑賞如此雖欲不亡得乎

秋七月螟○八月罷皇甫嵩遣車騎將軍張溫

伐之

皇甫嵩之討張角也過鄴見趙忠舍宅踰制
奏沒人之又張讓私求錢不與二人奏嵩無
功費多徵還收印綬以司空張溫為車騎將
軍討北宮伯玉拜董卓為破虜將軍統於溫
質實 鄴縣名注見晉
懷帝永嘉六年

冬十月司空臨晉侯楊賜卒

初賜既免帝閱故事得賜與劉陶所上張角
奏乃封賜臨晉侯陶中陵鄉侯至是復以賜
為司空薨
集覽 閱音越說文見數於明
謚曰文烈 一數之也又察也

臨晉地名注見
周赧王五年

書法 書官書爵書姓自鄧禹以來未有也
於是宦官益橫諸賢得免如賜者鮮

矣特書
幸之也

殺諫議大夫劉陶前司徒陳耽

陶上疏陳八事大較言天下大亂皆由宦官
宦官共讒陶收下黃門北寺獄閉氣而死耽
為人忠正宦官怨
集覽 大較訖岳反增韻
之亦誣陷死獄中 大較猶言大畧也

書法 成帝之世書下諫大夫劉輔獄為鬼
薪論然未殺也書殺諫議大夫劉陶

而漢之亡決矣自古以來殺諫臣者未有不亡者也綱目東漢書諫議大夫三王良

周舉劉陶自是無書者矣終綱目諫官書殺四劉陶侯昌業孟昭圖常濬

發明 漢室滅亡之徵至是無可言者矣然劉陶之死且揭諫議大夫書之者所以甚漢靈不君之惡而為

後世殺諫臣者之鑒也

張溫擊涼州賊邊章韓遂不利十一月將軍董

卓破走之擊當 **考異** 質實 涼州注見唐中

張溫將兵十餘萬屯美陽與邊章韓遂戰輒不利十一月董卓等攻破之章遂走榆中溫

遣周慎追之參軍事孫堅說慎曰賊城中無穀當外轉糧食堅願得萬人斷其運道將軍

以大兵繼後賊必困乏走入羌中并力討之則涼州可定也慎不從章遂反斷慎運道慎

懼棄車重而退溫又使董卓討羌卓糧絕乃於所度水中偽立堰以捕魚而潛從堰下過

軍比賊追之決水已深不得度遂還屯扶風溫以詔書召卓良久乃至溫責讓之卓應對

不順孫堅前耳謂溫曰卓不怖罪而鳴張大語宜以召不時至陳軍法斬之溫曰卓素著

威名於河隴之間今日殺之西行無依堅曰明公親率王師威震天下何賴於卓卓輕上

無禮一罪也沮軍疑衆二罪也受任無功應召稽留三罪也古之名將仗鉞臨衆未有不

斷斬以成功者今明公垂意於卓不即

集覽

加誅虧損威刑於是在矣温不忍發

美陽馮翊郡名在耀州美陽縣堰音偃韻會

注壅水謂之堰耳謂附耳而與之語怖恐懼

也鴟張言語妄大如鴟梟惡鳥

質實

一統志云美陽

造萬金堂

帝造萬金堂於西園引司農金錢繒帛物積

堂中復藏寄小黃門常侍家錢各數千萬又

買田起第於河間

集覽

物積韻會物

質實

一統志云西園在洛

陽縣即漢桓靈賣官諸價之地

河間國名注見帝玄更始二年

書法

譏也綱目書作堂三漢萬金秦教武

丙寅三年春二月江夏兵趙慈反○遣使就拜張

温為太尉

三公在外始於温

以宦者趙忠為車騎將軍

帝使忠論討黃巾之功執金吾甄舉謂曰傳南容前在東軍有功不侯天下失望今將軍親當重任宜進賢理屈以副衆心忠遣弟延致殷勤於傳燮曰南容少荅我常侍萬戶侯不足得也燮正色拒之曰遇不遇命也有功不論時也傳燮豈求私賞哉忠愈恨然憚其名不敢害出

集覽 甄之真反姓也進賢理為漢陽太守

實 漢陽郡名注見建寧二年南容傳燮表字

脩南宮鑄銅人

帝使繕脩南宮玉堂鑄四銅人四鍾又鑄天祿殿臺轉水入宮又作翻車渴烏灑南比鄰路以為可省百姓灑道之費

集覽 翻車激水而上轉動之器渴烏受水之器如鳥之渴飲也

書法 秦鑄金人不書此何以書譏不知務也秦方富強奢侈之甚不足責也黃巾之禍殆遍天下而踵秦所為以是為不知務故書譏之終綱目書鑄六而書銅人者三詳後十一建興十五年魏皆譏也

夏五月晦日食○六月荊州刺史討趙慈斬之

通鑑紀事本末卷之三十一 漢書卷之四十四

考異 斬當作誅 **質實** 荆州注見獻帝 ○冬十月武陵

蠻反郡兵討破之 **考異** 討當作擊 **集覽** 武陵今常德府有武陵縣

也 **質實** 武陵郡名注見光武建武二十四年 ○鮮卑寇幽并 ○徵

張温還

丁卯四年春二月滎陽盜起河南尹何苗討破之

以苗為車騎將軍 **質實** 滎陽縣名注見秦莊襄王元年何苗宛人

苗進之弟也

韓遂圍隴西涼州殺刺史以應之遂圍漢陽太

守傅燮與戰死之

韓遂殺邊章及北宮伯玉擁兵十餘萬進圍隴西涼州刺史耿鄙率兵討遂鄙任治中程球球通姦利士民怨之傅燮謂鄙曰使君統政日淺民未知教賊聞大軍將至必萬人一心不若息軍養德明賞必罰賊謂我怯群爭執離然後率已教之民討成離之賊其功可坐而待也不從行至狄道別駕反應賊殺球及鄙賊遂進圍漢陽城中兵少糧盡燮子幹年十三言於燮曰國家昏亂遂令大人不容於朝今兵不足以自守宜還鄉里徐俟有道

通鑑綱目卷之三十一 漢書卷之四十四

而輔之言未終，變慨然歎曰：汝知吾必死耶？聖達節次守節，殷紂暴虐，伯夷不食周粟而欲避其難乎？吾行何之？必死於此。汝有才智，勉之。勉之主簿楊會，吾之程嬰也。狄道人王國使人說變曰：天下已非漢，有府君寧有意為吾屬帥乎？變按劍叱之，遂麾左右進兵臨陳，戰歿。謚曰壯節侯。耿鄙司馬馬騰亦擁兵反，與韓遂合共推王國為主，寇掠三輔。

集覽

漢陽郡名在蜀中，今漢州。聖達節次

守節，春秋曹宣公卒，公子負芻殺其太子而自立，是為成公。諸侯不義，曹君將立子臧。子臧曰：前志有之曰：聖達節次守節，下失節為君，非吾節也。雖不能聖，敢失守乎？遂逃奔宋。注節猶分也。聖達節言聖人達於天命，無不可。不可如舜禹受禪，湯武革命之類。次守節謂賢者自守已分而不妄取。如子臧季札之類。下失節謂愚者不安已分，取非其理。後世篡弑之徒皆如此。欲避其難乎？春秋哀十五年，衛孔悝遭蒯瞶之難，時子路為孔氏邑宰，將入。子羔曰：弗及，不踐其難。子路曰：食馬不避其難。服虔曰：言食悝之祿，必救悝之難。程嬰，春秋晉人。景公時大夫屠岸賈誅滅世卿趙氏，趙朔有遺腹子屠岸賈索之。朔客公孫杵臼取他人嬰兒匿山中。朔友程嬰謬謂諸將殺杵臼與孤兒，其趙氏真孤，乃反在程嬰卒。與俱匿山中，居十五年。司馬韓厥言於景公，復立趙後，是為趙武，即孤兒也。遂攻岸賈滅

之嬰曰昔下宮之難我非不能死欲存趙後
今宜下報宜孟乃自殺武齊衰三年奉祀不

絕 **質實** 隴西郡名注見秦王政三年涼州注
見唐中宗景龍二年治中官名注見

晉安帝隆安四年狄道縣名注見高后六年
別駕官名注見宋文帝元嘉二十八年漢陽

郡名注見建寧二年主簿官名注見宋文帝
元嘉九年司馬官名注武帝元封二年馬騰

扶風人大人按霍光傳子稱父曰
大人三輔注見武帝征和元年

書法 殤帝之篇書張顯戰沒矣安帝之篇
書鄭勤戰死蔡諷戰沒矣未有書與

戰死之者燮書死之自劉快以來百七十
九年未之有也自殤帝至是書太守二十

非以能破羌書則以能平盜書其
盛者以死節書而世道益可悲矣

漁陽張舉張純反

故中山相張純與故泰山太守張舉及烏桓
大人丘力居等連盟劫畧薊中殺校尉太守

衆至十餘萬屯肥如舉稱天子純稱彌天
將軍移書州郡告天子避位勅公卿奉迎 **質**

實 漁陽郡名注見秦王政三年中山國名注
見周威烈王二十三年泰山郡名注見秦

始皇二十八年薊縣名注見帝元更始
二年肥如縣名注見武帝元朔三年

冬十月長沙區星反以孫堅爲太守討平之封

堅烏程侯

集覽

區星姓名區如字或音烏侯反

質實

烏程縣名注見晉安

帝隆安

三年 ○前太丘長陳寔卒

質實

太丘縣名注見桓帝元嘉

元

寔在鄉閭平心率物其有爭訟輒求判正曉譬曲直退無怨者至乃歎曰寧為刑罰所加不為陳君所短楊賜陳耽每拜公卿群僚畢賀輒歎寔未登大位愧於先之及卒海內赴弔者三萬餘人

書法

邑長不卒卒陳寔錄賢也終綱目令長書卒二王渙陳寔寔以前長書甚

賢之也

戊辰五年春二月有星孛于紫宮○黃巾餘賊寇

太原河東

○屠各胡寇并州殺刺史張懿

質實

屠各胡注見桓帝延熹元年

○以劉焉為益州牧劉虞為幽

州牧

質實

劉虞東海人

太常劉焉見王室多故建議以為四方兵寇由刺史威輕且用非其所致宜改置牧伯選清名重臣以居其任侍中董扶私謂焉曰京師將亂益州分野有天子氣會刺史郤儉

賦歛繁擾謠言遠聞而耿鄙張懿皆為盜所殺朝廷遂從馬議選列卿尚書為州牧各以本秩居任以馬為益州虞為幽州州任之重自此始馬魯恭王之後虞東海恭王五世孫嘗為幽州刺史民夷懷其恩信故用之馬入蜀會賊殺郤儉從事賈龍等破走之選吏迎馬徙治綿竹務行寬惠以收人心

質實

董扶綿竹人綿竹縣名注見光武建武十

年二

南匈奴右部反殺其單于美渠

考異

殺當作弒據齊建武

四年書高昌弒其君馬儒隋開皇十七年書吐谷渾弒其可汗世伏十九年書突厥弒其都藍

可汗皆書弒不書殺

詔發南匈奴兵配劉虞討張純單于美渠遣左賢王將騎詣幽州國人恐發兵無已於是右部醯落反與屠各胡合凡十餘萬人攻殺美渠

集覽

醯落匈奴右部渠帥之名

呼韓邪之系冒頓之後也醯音火兮反

大水○冀州刺史王芬自殺

陳蕃子逸與襄楷會於冀州刺史王芬坐楷曰天文不利宦者黃門常侍真族滅矣逸喜芬曰若然者芬願驅除因上書言黑山賊攻劫郡縣欲以起兵會帝欲北巡河間舊宅芬


等謀以兵誅諸常侍因廢帝而立合肥侯以告曹操操曰夫廢立之事天下之至不祥也古人有權成敗計輕重而行之者伊霍是也然皆懷至忠之誠據宰輔之執因秉政之重同衆人之欲故能計從事立今諸君徒見曩者之易未覩當今之難而造作非常欲望必克不亦危乎會北方夜半有赤氣東西竟天太史言北方有陰謀不宜北行帝乃止勅芬罷兵俄而徵集覽驅除注見帝玄更始元年之芬懼自殺合肥秦合肥縣漢置廬江國東漢為合肥侯國仍隸九江郡正義曰今廬州治合肥應劭曰夏水出父城東南至此與淮合故曰合肥晉書冀州注見秦二世二年肥字或作肥信都國一統志云合肥

漢之縣名屬九江郡晉屬淮南郡劉宋改為汝陰縣屬汝陰郡齊屬廬江郡隋復為合肥縣屬廬州唐宋元仍舊本朝因之又併梁縣地入焉仍屬廬州府

書法 芬謀誅宦官因廢立帝則曷為止以自殺書示戒也鄭衆專而周章之謀

起趙張橫而王芬之計決綱目不書謀逆所以為尊信宦闈者之戒也然則芬無貶乎書自殺所以為貶也亦量其力造傳非常祇足以殺其身而已矣

發明 芬以下謀上宜得春秋無將之誅胡是時靈帝罪浮于桀乃獨夫耳况芬本謀特欲誅宦者為廢昏立明之舉是以綱目



未減其罪蓋恕芬所
以惡靈也其旨微矣

秋八月置西園八校尉

以小黃門蹇碩為上軍校尉袁紹鮑鴻曹操
趙融馮芳夏牟淳于瓊等七校尉皆統於碩
帝自黃巾之起留心戎事碩壯健有
武畧帝親任之雖大將軍亦領屬焉
質實 紹
汝南汝
陽人

冬十月青徐黃巾復起○講武平樂觀

望氣者以為京師當有大兵兩宮流血帝欲
嚴之乃發四方兵講武於平樂觀起大壇建
華蓋帝躬擐甲介馬稱無上將軍行陳三
而還問討虜校尉蓋勳曰吾講武如何如
對曰臣聞先王耀德不觀兵今寇在遠而設
近陳不足昭果毅祗黷武耳帝曰善恨見君
晚群臣初無是言也勳謂袁紹曰上甚聰明
但蔽於左右耳與紹謀共誅嬖倖蹇碩懼出
勳為京
兆尹 **集覽** 行陳行下孟反按行也陳通作
陣下近陳通觀兵左傳觀兵于
南門杜預曰觀音貫觀示兵威也楚世家觀
兵於周郊服虔曰觀兵謂陳兵脇周也昭果
毅左傳宣二年戎昭果毅以聽之之謂禮殺
敵為果致果為毅注聽謂常存於耳著於心
想聞其政令黷武黷與瀆觀通慢也數
也古人有言曰武不可觀觀武無烈

書法

書講武何譏也寇在遠而講武於京師以為非禦備也故元年賊起繼書

屯都亭五年復起繼書講武平樂觀皆深譏之書講武始此終綱目書講武三是年

晉安帝元興二年唐玄宗開元元年書大閱二晉成帝咸康六年康帝建元二年

十一月涼州賊王國圍陳倉以皇甫嵩為左將

軍討之

質實

陳倉縣名注見安帝元初四年

○遣騎都尉公孫

瓚討漁陽賊走之

質實

公孫瓚遼西令支人漁陽郡名注見秦王政三

年

已巳六年春二月皇甫嵩擊三國大破之 **考異** 當

討作

董卓謂皇甫嵩曰陳倉危急請速救之嵩曰不然百戰百勝不如不戰而屈人兵是以先為不可勝以待敵之可勝陳倉雖小城守固備未易可拔王國雖強攻陳倉不下其眾必疲疲而擊之全勝之道也國攻陳倉八十餘日不拔疲敝解去嵩進兵擊之卓曰窮寇勿迫歸眾勿追嵩曰不然前吾不擊避其銳也今而擊之待其衰也所擊疲師非歸眾也國眾且走莫有鬪志以整擊亂非窮寇也遂獨進連戰大破之斬首萬餘級卓大慙恨由是

與嵩
有隙

三月劉虞討漁陽賊斬張純餘眾降散

劉虞到部遣使至鮮卑中告以利害責使送張舉張純首厚加購賞丘力居等聞虞至喜各遣譯自歸虞罷諸屯兵但留公孫瓚將萬人屯右北平三月純客殺純送首於虞瓚志欲掃滅烏桓而虞欲以恩信招降由是有隙

集覽

丘力居烏桓大人名

質實

右北平郡名注見秦王政三年

夏四月朔日食○即拜劉虞為太尉○遣大將

軍進討韓遂

蹇碩忌大將軍進與諸常侍共說帝遣進西擊韓遂帝從之進知其謀奏遣袁紹收徐充二州兵須還而西以稽行期

帝崩皇子辯即位尊皇后曰皇太后太后臨朝

封皇弟協為陳留王

考異

皇字

考證

皆當去皇字

初帝數失皇子何后生辯養於道人史子眇家號曰史侯王美人生協董太后自養之號曰董侯群臣請立太子帝以辯輕佻無威儀欲立協猶豫未決會疾篤屬協於蹇碩欲先

誅何進而立協使人迎進進往碩司馬潘隱
迎而白之進驚馳歸營引兵入屯百郡邸稱
疾不入辨即位年十四太后
集覽輕佻佻與
臨朝封協為陳留王年九歲
雜曰佻偷也注苟且也離騷經余猶惡其佻
巧注佻輕也左傳襄二十六年楚師輕窵注
言不能持重也窵徐氏
音勅堯反又通平反

書法

賀善贊曰靈帝信宦豎殺忠賢當時
變異有終綱目所無者四蛇見御座

黑氣青虹墮殿庭雌雞化雄而又五書大
疫居綱目半帝亦可以知變矣方且作畢
圭作列肆起四百尺觀造萬金堂鑄銅人
土木盛興不知社稷之將覆人有恒言曰
桓靈靈又甚於桓也辨何以不書太子
未嘗立為太子也於
有不能從容者矣兩漢
書皇子即位者一而已

以袁隗為太傅與大將軍進參錄尚書事進收
宦者蹇碩誅之

進既秉政忿蹇碩圖已袁紹因勸進悉誅諸
宦官進以袁氏累世貴寵而紹與從弟術皆
為豪桀所歸因信用之復博徵智謀之士何
顓荀攸鄭泰等二十餘人與同腹心碩不自
安與趙忠等謀誅進中常侍郭勝進同郡人
以告進進使黃門令收碩誅之因悉領其屯

兵

質實

何顥南陽襄鄉人荀攸穎川穎

書法

陰人或之從子鄭泰開封人
蹇碩書誅矣其書
進收何進專也

發明

何進以私忿殺蹇碩故曰進收然碩亦不免書誅何哉此曹斲喪帝室罪盈惡積正天誅所宜加王法所不赦者豈得以其死於私忿之故而遂未減其罪乎
書法若此
初非過也

五月遷孝仁皇后於河間驃騎將軍董重自殺

六月后暴崩

質實

河間國名注見
帝玄更始二年

驃騎將軍董重與何進權執相害中官挾重為助董太后每欲參預政事何太后輒禁塞之董后忿詈曰汝今斬張怙汝兄耶吾勅驃騎斷何進頭如反手耳何太后告進進與三公共奏孝仁皇后交通州郡辜較財利故事藩后不得留京師請遷宮本國舉兵圍驃騎府收重免官重自殺董后憂
集覽 驃騎注見
怖暴崩民間由是不附何氏
武帝元狩
二年輒張輒竹求反書無逸曰譎張為幻注
譎本作輒謂欺誑幻惑也爾雅及詩作併同
併張誑也蔡氏傳曰譎誑張誕也按譎與輒併通史炤通鑑釋文曰輒車轅也張弛弓弦
二字皆有動意張懷
云輒張猶彊梁也

書法 書暴崩何咎
遷之者也

發明 孝仁本非國母然自何后言之猶為其姑云爾而遷之怖之使之至於殞

滅可乎故夫后以崩書者是子其為母后也子其為母后而遷之至於暴亡者其罪始有不可言者矣宜乎他日賊臣得以藉口也

葬文陵 **質實** 一統志云文陵在河南府城東北

何進懲蹇碩之謀稱疾不入陪喪又不送山陵

大水 ○秋七月大將軍進召董卓將兵誼京師

太后詔罷諸宦官八月宦官張讓等入宮殺進

劫太后帝出至河上司隸校尉袁紹捕宦者悉

誅之帝還宮以卓為司空 **考異** 一本無請京師三字按提要劫

太后下有及字

袁紹說何進曰前竇武欲誅內寵而反為所害者但坐言語漏泄五營兵士皆服畏中人而竇氏反用之自取禍滅今將軍兄弟並領勁兵部曲將吏皆英俊各士樂盡力命事在掌握此天贊之時不可失也進乃白太后請盡罷中常侍以下以三署即補其處太后曰

中官統領禁省漢家故事也且先帝新棄天下我柰何楚楚與士人共對事乎進難違太后意且欲誅其放縱者而太后毋舞陽君及弟苗受宦官賂遺數白太后爲其障蔽言大將軍專殺擅權以弱社稷太后以爲然進又新貴素敬憚中官雖外慕大名而內不能斷故事久不決紹等又爲畫策多召四方猛將使並引兵向京城以脇太后進然之主簿陳琳諫曰諺稱掩目捕雀夫微物尚不可欺以得志况國之大事其可以詐立乎今將軍總皇威握兵要龍驤虎步高下在心此猶鼓洪爐燎毛髮耳但當速發雷霆行權立斷則天人順之而反委釋利器更徵外助大兵聚會強者爲雄所謂倒持干戈授人以柄功必不成祇爲亂階耳進不聽曹操聞而笑曰宦者之官古今宜有但世主不當假之權寵使至於此旣治其罪當誅元惡一獄吏足矣何至紛紛召外兵乎欲盡誅之事必宣露吾見其敗也初靈帝徵董卓爲少府卓上書言所將湟中義從及秦胡兵皆詣臣言稟賜斷絕妻子饑凍牽挽臣車使不得行及帝寢疾璽書拜卓并州牧今以兵屬皇甫嵩卓復上書言士卒戀臣畜養之恩乞將之北州効力邊垂嵩從子酈說嵩曰大人與卓怨隙已結勢不俱存卓被詔委兵而上書自請此逆命也彼度京師政亂故敢躊躇不進此懷姦也且凶戾無親將士不附大人今爲元帥仗國威以討之無不濟也嵩曰違命雖罪專誅亦有責

也不如顯奏使朝廷裁之乃上書以聞帝以讓車卓亦不奉詔駐兵河東至是何進召之使將兵詣京師尚書鄭泰盧植皆諫進不從泰乃棄官去謂荀攸曰何公未易輔也進使騎都尉鮑信募兵泰山并召東郡太守橋瑁屯成臯使武猛都尉丁原將數千人寇河內燒孟津火照城中皆以誅宦官為言董卓聞召即時就道并上書曰張讓等竊倖承寵濁亂海內臣聞揚湯止沸莫若去薪潰靡雖痛勝於內食今輒鳴鍾鼓如雒陽請收讓等以清姦穢太后猶不從何苗謂進曰始以貧賤依省內以致富貴國家之事亦何容易宜深思之卓至澠池而進更狐疑遣使宣詔止之袁紹懼進變計因脇之曰交構已成形執已

露將軍復欲何待而不早決之乎事久變生復為竇氏矣進於是以前紹為司隸校尉王允為河南尹紹促董卓使馳驛上奏欲進兵平樂觀太后乃恐悉罷中常侍小黃門使還里舍皆詣進謝罪唯所措置進謂曰天下匈匈正患諸君耳今董卓垂至諸君何不早各就國袁紹勸進便於此決之再三不許謀頗泄張讓子婦太后之妹也讓叩頭謂曰老臣得罪當與新婦俱歸私門願復一入直得暫奉望太后顏色然後退就溝壑死不恨矣太后乃詔皆復入直進入長樂宮白太后請盡誅諸常侍張讓段珪相謂曰太將軍稱疾不臨喪不送葬今歛入省此意何為使潛聽具聞其語乃率其黨數十人持兵伏省戶下斬進

即為詔以樊陵為司隸許相為河南尹尚書
 疑之曰請大將軍出共議中黃門以進頭擲
 與曰何進謀反已伏誅矣進部曲將吳匡引
 兵燒南宮青瑣門讓等將太后少帝及陳留
 王劫省內官屬從復道走北宮尚書盧植執
 戈於閣道窓下仰數段珪珪懼乃釋太后太
 后投閣得免袁紹矯詔召樊陵許相斬之引
 兵屯關下捕得趙忠等斬之吳匡等怨苗不
 與進同心乃令軍中曰殺大將軍者即車騎
 也吏士能為報讐乎皆流涕曰願致死遂攻
 殺苗紹遂閉北宮門勒兵捕諸宦者無少長
 皆殺之凡二千餘人或無須而誤死者進
 攻省內讓珪等困迫遂將帝與陳留王數十
 人出穀門夜至小平津六璽不自隨公卿
 無從者唯盧植及河南中部掾閔貢夜至河
 上貢厲聲責讓等因手劔斬數人讓等惶怖
 叩頭向帝辭曰臣等死陛下自愛遂投河而
 死貢扶帝與陳留王夜逐螢光還至雒舍明
 旦帝乘一馬陳留王與貢共乘一馬南行公
 卿稍有至者董卓亦到因與公卿奉迎於北
 芒阪下帝見卓兵卒至恐怖流涕群公謂卓
 曰有詔卻兵卓曰公諸人為國大臣不能匡
 正王室至使國家播蕩何卻兵之有卓與帝
 語語不可了乃更與陳留王語問禍亂之由
 王荅自初至終無所遺失卓大喜以為賢且
 自以與董太后同族而王為后所養遂有廢
 立之意是日帝還宮失傳國璽鮑信募兵適
 至說紹曰董卓將有異志今不早圖必為所

制及其新至疲勞襲之可禽也紹不敢發信乃引兵還泰山卓步騎不過三千率四五日輒夜潛出明日乃大陳旌鼓而還以為西兵復至雒中無知者俄而進及弟苗部曲皆歸之卓又陰使丁原部曲呂布殺原而并其眾於是諷朝廷以久雨策免司空劉弘而代之蔡邕亡命江海積十二年卓聞其名而辟之稱疾不就卓怒詈曰我能族人邕懼而應命到署祭酒甚見敬重三日

集賢

三署郎初秦置郎中令其

屬官有三署五官中郎將左中郎將右中郎將凡三署署中有郎中主執戟更直侍宮殿出則充車騎漢因之正義曰周之元士漢之尤係中散諫議此三署郎中是今之尚書也楚楚詩國風蟋蟀之羽衣裳楚楚心之憂矣於我歸處注楚楚鮮明貌文公集傳曰此詩言蟋蟀之羽翼猶衣裳之楚楚可愛也然蟋蟀朝生暮死故我心憂之而欲其於我歸處耳鼓洪爐顏師古曰扇熾其火謂之鼓稟賜稟讀曰廩古者給人以食取之於倉廩故因稱稟賜稟食橋瑁姓名瑁音蝟依省内依上聲恃也省内注見武帝征和二年歛入歛讀若忽暴起也韓文詩指畫變悅歛注茫昧貌青瑣南宮門名顏師古曰門刻為連瑣文而青塗也孟康曰以青畫門邊鏤中天子門制也復道注見秦始皇二十六年穀門洛陽城門名六璽蔡邕獨斷曰璽凡九各有文刻皆以玉為之螭虎紐一曰傳國璽一曰神璽以

鎮國中藏而不用一曰受命璽以封禪禮神
其所謂六璽者皇帝行璽以報王公書皇帝
之璽以勞王公皇帝信璽以召王公天子行
璽以報四夷書天子之璽以勞四夷天子信
璽以召兵四夷皆以武都紫泥封盛以青囊
白素裹兩端無縫尺一板中約署又傳國璽
注見光武建武三年北芒阪下芒本作邛蘇
林音忙遽之忙山名也在河南雒陽縣北七
十里故曰北芒應劭白邛屬沛國邛縣之山
也阪音返坡阪也一曰澤障一曰山脇周歷
三臺漢以尚書為中臺御史為憲臺謁者為
外臺謂之三臺蔡邕初署祭酒補侍御史又
轉侍書御史

正誤

楚楚今按似謂悽愴苦楚
之意承上文先帝新棄天

下而言依省內今

質實

部曲注見陳文帝天
嘉元年舞陽縣名注

見齊武帝永明五年陳琳廣陵人湟中西
地名注見宣帝元康四年義從注見章帝建
初六年成臯縣名注見秦莊襄王二年澠池
縣名注見光武建武三年狐疑注見秦二世
三年一統志云北邙山在河南府城北二十
里山連偃師鞏孟津三縣綿亘四百餘里東
漢諸陵及唐宋
名臣墳多在焉

書法

車前書將軍矣此則曷為不書於是
車累徵拜不奉詔也直書董卓而冠
之以進召罪進也漢之禍進為之○書詔
罷宦官矣張讓等曷為復以宦官書譏不

力也於是太后詔復入直不書書入惡辭也○於是紹勒兵捕宦者無少長皆殺之進攻省內讓等將帝步出此其先書帝出何不以播蕩累紹也宦者書誅罪之也然則紹無貶歟書帝出河上紹捕宦者悉誅之則其專且濫之罪著矣終綱目書誅宦官四其克者二漢書悉誅唐書太誅皆甚之之辭也詳建寧元年

發明 進之此舉乃飲烏喙而攻疾耳疾未去而藥殺人曾不如不飲之為愈也

綱目書進召董卓則進雖欲辭其責尚可得乎○春秋書天王出居于鄭傳者曰天子無出出失天下也夫王者無外家撫四海而特書曰出者著傾覆之禍示播遷之辱也漢自安順以來寵信宦者如護心腹至桓靈則日益甚矣濁亂朝綱荼毒四海賢人君子進則不容於朝退則不容於野而彼方根據蟠結疽食浸淫如癭之附於頸不至於大壞極亂而不止綱目書之一則曰宦官二則曰宦官詳著于冊所以示亂下之本為萬世之戒也後之寵愛近習者蓋亦以是為鑒乎

九月袁紹出奔冀州卓廢帝為弘農王奉陳留

王協即位遂弒太后何氏 **考異** 提要無出字

董卓謂袁紹曰天下之主宜得賢明每念靈帝令人憤毒董侯似可今欲立之能勝史侯

否為當且爾劉氏種不足復遺紹曰漢有天下四百許年恩澤深渥兆民戴之今上富於春秋未有不善宣於天下公欲廢嫡立庶恐衆不從公議也卓按劍叱紹曰豎子敢然天下之事豈不在我爾謂董卓刀為不利乎紹勃然曰天下健者豈惟董公引佩刀橫揖徑出縣節於上東門逃犇冀州卓大會百寮奮首而言曰皇帝闇弱不可以奉宗廟為天下主今欲依伊尹霍光故事更立陳留王何如皆惶恐莫敢對卓又曰有敢沮大議皆以軍法從事坐者震動盧植獨曰太甲不明昌邑多罪故有廢立之事今上行無失德非前事之比也卓大怒免植官遂逃隱於上谷卓以議示袁隗隗報如議卓遂賜太后策廢少帝

為弘農王立陳留王協為帝隗解帝璽殺扶

下殿比面稱臣太后顰涕群臣含悲莫敢言

卓又議太后跋迫末樂宮至憂死逆婦姑集

禮乃遷永安宮酖殺之公卿以下不布服覽

跋迫末樂宮史炤通鑑釋文曰跋子六反

行平易也迫逼也猶言行平易而逼之也

先何太后遷董太后於永樂宮

憂怖暴崩故謂何后跋迫而死

正誤跋迫永

按此於行平易之義無

取當與蹙通謂促迫也

質實上谷郡名注見

書法書出奔何卓強也紹出奔而弘農遂

廢矣綱目聯書之所以著紹奔之由

也卓自是削不書姓至伏誅始書之終綱

目母后書弑九秦庶長改弑君毋魏冉弑

君之嫡母董卓弒何太后晉賈氏弒楊太后趙石虎弒劉太后石遵弒劉太后燕主寶弒段太后魏胡氏弒高太后朱全忠弒何太后弒書殺一燕主熙殺丁太后

發明 跋迫永樂逆婦姑禮此豈非董賊藉口之詞乎然綱目於此且正其弒逆

之名而何氏不失為太后者亂臣賊子假問罪之說以行其私借使何后無可指之失亦必不能免此固綱目誅討之意不以有詞可執而未減其罪為後世窒賊亂之門杜纂弒之漸拔本塞源之論也

除公卿子弟為郎補宦官侍殿上 **考異** 提要無弟字

○郎拜劉虞為大司馬○卓自為大尉領前將

軍事

加節傳斧鉞虎賁更封郡侯 **集覽** 郡音眉縣名屬右扶風

是顏師古曰 **質實** 一統志云郡秦之縣名漢郡又音媚屬右扶風後魏改平陽縣

西魏改郡城縣尋廢入周城縣隋置郡城郡唐改郡為郿州尋廢州為郿縣屬稷州後改屬鳳翔府宋因之金初屬恒州後屬京兆府路元初陞為郿州至元初復為縣屬安西路本朝改屬鳳翔府

書法 官未有書自為者書自為專也官書自為自卓始自是不勝書矣

遣使弔祭陳蕃竇武及諸黨人復其爵位 **考異**

提要無弔字

董卓與三公詣闕上書追理蕃武及諸黨人悉復爵位遣使弔祠擢用子孫

書法 祭臣不書此何以書予思賢也是故樊豐誅而後祠楊震宦者敗而後祭

陳竇遼水衄而後祀魏徵祿山反而後祭九齡皆事後之思也終綱目書祭臣六詳

明帝永平二年

發明 衰亂之世信用群小殺戮忠良人情忿怒故姦雄借以為詞稱兵問罪既

得所欲則必申理冤枉擢用名流以快海內之心如董卓遣使弔祭陳竇及聘召處

士申屠蟠之類是也人主觀之綱目所書則必兢兢業業用賢去佞毋使姦雄得以

為籍手之地可也

自六月雨至于八月

書法 恒雨也昭帝之元嘗書七月至于十月矣於是復見終綱目連雨數月者

二而已

○冬十月葬靈思皇后

公卿會葬素衣而已

十一月卓自為相國贊拜不名入朝不趨劔履

上殿

書法

此殊禮也綱目備書者四蕭何董卓曹操劉裕惟蕭何書賜卓則書自操

發明

莽卓在漢均為逆賊然綱目於莽自得政以至即真皆以太皇太后冠於其上而不曰莽自為者所以著母后之禮為萬世戒也至董卓則書卓自為太尉自為相國自為太師者所以窒篡竊之源使後世亂臣賊子欲假朝廷之命以自進其爵位者無得為欺天下之具也嗚呼自是而後竊命之臣皆用此例矣

○十二月徵處士申屠蟠不至以黃琬為太尉

楊彪為司徒荀爽為司空

初尚書周忠城門校尉伍瓊說董卓矯桓靈之政擢用天下名士以收眾望卓從之於是徵荀爽申屠蟠等就拜爽平原相行至宛陵遷光祿勳視事三日進拜司空自徵至是九

十五日爽等皆畏卓之暴無敢不至獨蟠得徵書人勸之行笑而不荅竟以壽終卓又以

韓馥為冀州牧劉岱孔伋為宛豫集覽周志

刺史張邈張咨為陳留南陽太守志記曰周玘豫州刺史慎之子也續漢書及魏

志玘並作苾章懷注云苾音秘宛陵括地志云宛陵故城在鄭州新鄭縣東北質實黃琬

三十八里本鄭舊縣也他直又反質實江憂安陸人瓊之孫楊彪華陰人秉之孫荀爽穎

川穎陰人淑之子平原國名注見光武建武五年宛陵縣名注見梁武帝太清三年陳留

郡名注見秦二世三年南陽郡名注同上年發明申屠蟠見幾而作獨免黨錮之禍至

若蟠者真無愧於處士之名矣特書不至蓋予之也

以表紹為勃海太守

洛中貴戚室第相望卓放兵剽虜妻畧婦女不避貴賤人情崩恐不保朝夕卓購求袁紹

急周苾伍瓊曰紹恐懼出犇非有他志今急講之勢必為變袁氏樹恩四世門生故吏徧

天下若收豪傑以聚徒眾則山東非公之有也不如赦之拜一郡守紹喜於免罪必無患

矣卓乃即拜紹勃海太守又以紹從弟術為後將軍曹操為驍騎校尉術犇南陽操變易

姓名間行東歸至陳留散家財合兵得五千人是時豪傑多欲起兵討卓者袁紹在勃海

韓馥遣數部從事守之不得動搖東郡太守
橋瑁詐作三公移書州郡陳卓罪惡徵兵赴
難馥得移請諸從事問曰今當助袁氏耶助
董氏耶治中從事劉子惠曰興兵為國何謂
袁董馥有慙色乃作書與紹聽其起兵
集覽 移書官曹公府不
相臨敬則為移箋
表之類也 **質實** 勃南郡名注見獻帝建安八年
南皮東郡注見光武建武八年

庚午 孝獻皇帝初平元年春正月關東州郡起兵

討卓推袁紹為盟主

紹自號車騎將軍與河內太守王匡屯河內
韓馥留鄴給軍糧孔佃屯潁川劉岱張邈
弟廣陵太守超山陽太守袁遺濟北相鮑信

與橋瑁曹操俱屯酸棗袁術屯魯陽眾各數
萬豪傑多歸心袁紹者鮑信獨謂

操曰君畧不世出殆天之所啟乎 **集覽** 魯陽
郡有魯陽縣案魏世家伐楚取


魯陽正義曰今汝州魯山縣是 **質實** 河內郡
桓帝延熹九年鄴縣名注見建安十五年潁

川郡名注見秦二世三年廣陵郡名注見武
帝元朔五年山陽郡名注見成帝河平二年

濟北國名注見楚義帝元年酸棗縣名注見
周慎靚王四年一統志云魯陽漢之縣名屬

南陽郡三國魏為廣州晉復置縣屬南陽國
後魏置魯陽郡又置魯州隋初郡廢大業初

廢州為魯縣屬襄城郡唐初復置魯州改縣



曰魯山貞觀中州廢以滄陽縣省入魯山屬
汝州宋元仍舊本朝因之改屬南陽府

書法 特筆也書推為盟
主將以深責紹也

車弒弘農王

書法 廢君書弒自董卓始終綱目廢君而
弒之者二十弘農王宋零陵王滎陽

王齊汝陰王海陵王浚陵王梁巴陵王魏
王恭安定王東海王齊中山王梁主綱魏
主欽周宋公陳江陰王齊濟南王隋介
公後梁濟陰王後唐鄂王漢湘陰公

發明 弘農既廢已不成乎君前史皆以殺
為文至綱目始正名書弒者不以其

微而廢君臣之義則
逆賊之罪益著矣

卓奏免太尉琬司徒彪以王允為司徒殺城門

校尉伍瓊尚書周忠 **考異** 提要卓上
有圈字

卓議大發兵以討山東尚書鄭泰曰夫政在
德不在眾也卓不悅曰如卿此言兵為無用
邪泰曰非謂其然也以為山東不足加大兵
耳明公出自西州少為將帥閑習軍事袁本
初公卿子弟生長京師張孟卓東平長者坐
不窺堂孔公緒清談高論噓枯吹生並無軍
旅之才臨鋒決敵非公之儔也况王爵不加
尊卑無序不肯同心共膽與齊進退且山東

承平日久民不習戰天下所畏者無若并京
之人與羌胡義從而明公擁之以為爪牙譬
猶驅虎兇以赴犬羊鼓烈風以掃枯葉誰敢
禦之無事徵兵以驚天下使患役之民相聚
為非棄德恃眾自虧威重也卓乃悅既而又
以山東兵盛欲遷都以避之表河南尹朱儁
為已副使者召拜儁辭不受因曰國家西遷
必孤天下之望以成山東之釁臣不知其可
也卓大會公卿議之楊彪曰關中殘破都維
已久今無故捐宗廟棄園陵恐百姓驚動必
有糜沸之亂天下動之至易安之甚難惟明
公慮焉卓作色曰公欲沮國計邪黃琬曰此
國之大事楊公之言得無可思卓不答以災
異奏免琬彪等以王允為司徒伍瓊周諮圖

諫遷都卓大怒曰卓初入朝二公勸用善事
故卓相從而諸君到官舉兵相圖此二君賣

卓何用相負收斬 **集覽** 本初袁紹字孟卓
之彪琬惶恐謝罪 張邈字坐不覲堂

覲傾頭門中視也即坐不垂堂之義注見武
帝建元三年公緒孔佃字義從注見章帝建

初五年虎兇虎山獸之君兇序姊反有力之
獸如牛而一角青色重千斤糜沸糜說文糝

也言如 **正誤** 坐不覲堂今按坐不覲堂言愛
糝之沸 惜身命也堂高廡遠地覲視恐

墜墮即坐不垂堂之義糜沸今按 **質實** 西州
糜即粥也李賢曰如糜粥之沸 注見

晉明帝建武四年高昌國并涼二州名并注
見晉愍帝建興四年涼注見唐中宗景龍二

年

書法

免未有書所自者書卓奏何專也是故王鳳專則以陳湯為從事中郎書

鳳奏董卓專則免太尉琬司徒彪則書卓奏殺伍周者卓也則以王允者亦卓也書以非議允欲允為卓所以而卒誅卓書以所以予允也故灌嬰殊与舟連和則書產使者乃所以予嬰王允殊使布誅卓則書卓以者乃所以予允也

卓徵蓋勳為議郎皇甫嵩為城門校尉

蓋勳為京兆尹左將軍皇甫嵩將兵三萬北

校尉欲因殺之嵩將行長史梁衍說嵩曰卓寇掠京邑廢立從意今徵將軍大則危禍小則困辱今卓在雒陽天子來西以將軍之眾迎接至尊奉令討逆袁氏逼其東將軍迫其西此成禽也嵩不從而就徵勳

質實

京兆尹官名注

見武帝太初元年扶風郡名注見周顯王八年岐縣雒陽縣名注見光武建武四年

書法

二子忠賢也則曷為書卓徵書卓徵為二子惜也

發明

皇甫嵩功名素著身為上將手握強兵坐視帝室傾覆逆賊鴟張不能唱大義於天下乃束手就召甘心事賊何哉善乎范曄之論謂其舍格天之業就匹

大之小諒卒狼狽虎口為智士笑者也况是時蓋勳進謀梁衍獻策嵩皆棄之不顧至他日乃以虛詞強辯與逆賊抗不亦晚乎綱目書車召嵩為城門校尉則嵩屈身就賊之耻不可掩矣是以通鑑明年五月書以嵩為車騎將軍八月書以嵩為太尉十二月書太尉嵩免綱目皆棄而不錄蓋鄙之也鄙之則不足言矣然則志士仁人其於去就之際蓋亦知所處哉

三月車遷都長安燒洛陽宮廟發諸帝陵車駕

西遷

考異

提要無帝字及車駕西遷五字

董卓收諸富室以罪惡誅之没入其財物死者不可勝計悉驅徙其餘民數百萬口於長安步騎驅感更相蹈藉饑餓寇掠積屍盈路卓自留屯畢圭苑中悉燒宮廟官府居家二百里內無復雞犬又使呂布發諸帝陵及公卿冢墓收其珍寶三月帝至長安董卓未至朝政大小皆委之王允允外相彌縫內謀王室甚有大臣之度自天子及朝中皆倚允允屈意承卓卓亦雅信焉

集覽

畢圭注見靈帝光和三

質

實

長安縣名注見惠帝五年

書法

李催曹操皆書遷帝于某逼遷也此則曷有三字遷書其上書卓遷都燒

宮廟發諸陵然後書車駕西遷則其逼脇
妻涼之狀自見矣書卓遷都專辭也書車
駕西遷不得
不遷之辭也

發明

孟子曰民為貴社稷次之君為輕今
董卓虜掠人民驅徙數百萬口死者

不可勝計然綱目止書宮廟諸陵及車駕
而不及民何哉春秋之法君將不言帥師
若獲不言師敗績以君重於師也禮稱有
焚其先人之室則三日哭故廟災則必哭
之以神王之所安也蓋孟子之言為時君
牛羊用人而莫之恤故以民為貴君社稷
次之將以救一時糜爛之禍若夫春秋之
書禮經之典正名定分為萬世法故必以

君宗廟為重而民次之此則經世之大常
亘古今而不可易者也綱目於此深得春
秋禮經之旨故其書法如此惟此義不行
然後有託以為民之故輕棄君親社稷而
不顧以自文其背畔之實如降虜降賊
以全城為名者不有君子誰能正之噫

卓殺太傅袁隗滅其家○長沙太守孫堅舉兵

討卓將軍袁術據南陽表堅領豫州刺史

孫堅起兵殺荊州刺史王叡前至南陽已數
萬人殺太守張咨至魯陽與袁術合兵術由
是得據南陽表堅行破虜將軍領豫州刺史
堅與官屬會飲於魯陽城東董卓步騎數萬

卒至堅方行酒談笑整頓部曲無得妄動後
騎漸益堅徐罷坐導引入城乃曰向堅所以
不即起者恐兵相蹈藉諸君不得

質實長沙郡名


入耳卓兵見其整不敢攻而還
注見興平元年荆州注見建安十二年南陽
郡名注見秦二世三年豫州注見光武建武
十九年汝南郡部曲注
見陳文帝天嘉元年

書法書據何罪專也

以劉表為荆州刺史

時寇賊縱橫道路梗塞表單馬入宜城請南
郡名士蒯良蒯越與之謀曰今江南宗賊甚

盛各擁眾不附若表術因之禍必至矣吾欲
徵兵恐不能集其策焉出越曰表術驕而無
謀宗賊帥多貪暴為下所患若使人示之以
利必以眾來使君誅其無道撫而用之一州
之人有樂存之心聞君威德必襁負而至矣
兵集眾附南據江陵北守襄陽荆州八郡可
傳檄而定公路雖至無能為也表曰善乃使
越誘宗賊帥至者十五人皆斬之而取其眾
遂徙治襄陽鎮撫
集覽公路表
質實劉表山
郡縣江南悉平
術字
陽高平
人魯恭王之後也宜城縣名注見安帝建光
元年南郡注見建安十二年江陵縣名注見
建安十三年襄陽縣名注見建
安十二年襄陽縣名注同上年




書法 自卓弒以來徵拜皆書卓以此其不書卓以何卓在外也

曹操與卓兵戰于滎陽不克還屯河內

袁紹等諸軍畏董卓之彊莫敢先進曹操曰舉義兵以誅暴亂大眾已合諸君何疑問使董卓倚王室據舊京東向以臨天下雖以無道行之猶足為患今焚燒宮室劫遷天子海內震動不知所歸此天亡之時也一戰而天下定矣遂引兵西將據成臯至滎陽遇卓將徐榮與戰操兵敗為流矢所中馬亦被創從弟洪以馬與操曰天下可無洪不可無君遂夜遁還酸棗諸軍十餘萬日置酒高會不圖進取操責讓之因為謀曰諸君聽吾計使勃

海引河內之眾臨孟津酸棗諸將守成臯據敖倉塞輟轅大谷全制其險使袁將軍率南陽之軍軍丹析入武關以震三輔皆高壘深壁勿與戰益為疑兵示天下形勢以順誅逆可立定矣今兵以義動持疑不進失天下望竊為諸君耻之邈等不能用操乃還屯河內項之酸棗食盡眾散劉岱殺橋瑁 **集覽** 滎陽注見秦莊襄王元年勃海引河內之眾勃海太守袁紹先與王匡屯兵於河內酸棗諸將劉岱張邈張超袁遺鮑信橋瑁曹操等諸將俱屯於酸棗縣酸棗注見周慎靚王四年敖倉注見漢王劉邦二年大谷音泰谷括地志云太原郡大谷縣有大谷山丹析二縣名地理志引農郡丹水縣索隱曰丹水屬



南陽漢書音義曰丹水出上洛縣冢領山括地志云故丹城在鄧州內鄉縣西南百三十里南去丹水二百步析注見帝玄更始元年 **質實** 秦莊襄王二年勃海郡名注見建安八年南皮河內郡名注見桓帝延熹九年孟津地名注見帝玄更始二年一統志云太谷關名在河南府閩鄉縣西南二十五里秦山谷丹水漢之縣名屬弘農郡晉屬順陽郡後魏改置丹川郡後周廢之故城在南陽府內鄉縣西南一百二十里 **武關** 注見周赧王四年

袁紹以臧洪領青州

青州刺史焦和亦起兵務及諸將西行不為民人保障兵始濟河黃巾已入其境青州財富兵盛和每望寇奔北好卜筮信鬼神入見其人清談干雲出觀其政賞罰淆亂州遂蕭條悉為丘墟頃之病卒袁紹使 **集覽** 奔北注廣陵功曹臧洪領青州以撫之 **質實** 青州注見桓帝末康元年廣陵郡名注見武帝元朔五年淮南臧洪廣陵射陽人

書法 書律以何尋也

夏四月以劉虞為太傅

先是幽部應接荒外資費甚廣歲常割青冀賦調二億有餘以足之時處處斷絕委輸不至而虞敝衣繩履食無兼肉務存寬政勸督農桑開上谷胡市之利通漁陽鹽鐵之饒民悅年登穀石三十青徐士庶避難歸虞者百餘萬口虞皆收視溫恤為安立生業流民皆忘其遷徙焉至是拜太傅而道路壅塞命不得通

集覽

荒外注見安帝永寧元年

委輸注見

質實

上谷郡名注見秦王政三年漁陽郡名注同上年

書法

於是道路壅塞命不得通何以書子虞也是故苟可予也雖君命未達書

之

司空荀爽卒

爽見卓忍暴滋甚必危社稷其所舉辟皆取才畧之士將共圖之亦與王允及卓長史何顓等為內謀會病薨

卓壞五銖錢更鑄小錢

悉取雒陽及長安銅人鍾虞飛廉銅馬之屬以鑄由是貨賤物貴穀石至數萬錢

質

實

鍾虞注見秦始皇二十六年飛廉注見武帝元封二年

書法

自建武十五年書復行五銖至是一百五十三年未之有改也卓始壞之

書曰車壞五
銖錢罪卑也

省孝和以下廟號

初孝和廟號穆宗孝安號恭宗孝順號敬宗
孝桓號威宗至是蔡邕議以為宜皆省去從
之

以公孫度為遼東太守

度到官以法誅滅郡中名豪大姓百餘家郡
中震慄乃東伐高句驪西擊烏桓分遼東為
遼西中遼郡各置太守越海收東萊諸縣置
營州刺史自立為遼東侯平州牧立漢二祖

廟承制刻祀天地籍田
乘鸞路設旄頭羽騎
集覽 籍田注元文帝
二年鸞路注見

成帝建始元年旄頭羽騎
注見光武建武四年旄騎
質實 襄平人高句

驪國名注見新莽始建國四年烏桓國名注
見宣帝本始三年遼東郡名注見秦王政三

年遼西郡名注見建安十年東萊郡名注見
成帝永始元年營州注見秦王政三年右北

平平州
注同上

辛未 二年春正月關東諸將奉大司馬劉虞為帝

虞不受

不

關東諸將議以朝廷幼冲逼於董卓遠隔關塞不知存否幽州牧劉虞宗室賢雋欲共立為主曹操曰吾等所以舉兵而遠近莫敢響應者以義動故也今幼主微弱制於姦臣非有昌邑亡國之釁而一旦改易天下其孰安之諸君北面我自西向韓馥袁紹以書告袁術術陰有不臣之心不利國家有長君乃外託公議以拒之馥紹竟遣故樂浪太守張岐等齎議上虞尊號虞厲色叱之曰今天下崩亂主上蒙塵吾被重恩未能清雪國耻諸君各據州郡宜共戮力王室而反造逆謀以相垢汙邪馥等又請虞領尚書事承制封拜復不聽欲犇匈奴以自絕紹等乃止

集覽

昌邑亡國之釁昭帝崩立昌邑王賀王素

淫戲無度此乃亡國之釁隙也後廢之而立宣帝樂浪注見武帝元封三年蒙塵左傳天子蒙塵于外注云天

子出奔謂之蒙塵

書法

秦立齊君為東帝書立此其書奉何眾所欲也故未卒事不書書不受嘉

守節也再書虞重子之與書已而去之者大異矣終綱目書奉為帝一而已

發明

既不受矣而猶書之者所以著虞知義守節之美也

二月卓自為太師

位居諸侯王上

通鑑綱目卷之三十一 漢獻皇帝紀第五十五 二百八


孫堅進兵擊卓卓敗西走堅入洛陽脩塞諸陵

而還 **考異** 按上下文並書討卓此書擊傳誤耳

孫堅進屯陽人卓遣步騎迎戰堅擊破之梟其都督或謂袁術曰堅若得洛不可復制此為除狼而得虎也術疑之不運軍糧堅夜馳見術曰所以出身不顧者上為國家討賊下慰將軍家門之私讐而將軍受浸潤之言還相嫌疑何也術踧踖即調發軍糧卓遣說堅欲與和親堅曰卓逆天無道今不夷汝三族縣示四海則吾死不瞑目豈將與乃和親邪復進軍大谷距洛九十里卓自出與戰敗走却屯澗池堅進至維陽掃除宗廟祠以太牢

得傳國璽於城南甄官井中分兵邀卓卓謂長史劉艾曰關東軍敗數矣皆畏孤無能為也惟孫堅小鷙頗能用人當語諸將使知忌之乃使董越屯澗池段熲屯華陰牛輔屯安邑以禦山東而自引兵還長安 **集覽** 陽人注孫堅脩塞諸陵引軍還魯陽 見秦莊

襄王元年甄官甄稽延反甄陶也官謂官舍也如學官鹽官之官賞誼傳學官注云學者所學之 **質實** 大谷關名注見初平元年澗池官也 縣名注見光武建武三年維陽縣名注見光武建武四年華陰縣名注見興平二年安邑縣名注見周威烈王二十三年長安縣名注見惠帝五年魯陽縣名注見初平元年



書法 於是書討卓者三關東孫堅朱雋惟堅書進兵于義也故特詳之脩陵必

書重山陵也終綱目書脩陵五是年晉穆帝永和十二年再書安帝義熙十二年再

書書鎮衛山陵一晉孝武帝太元十一年書按視諸陵一後唐甲申年

發明 自諸君唱義未聞有破賊之功惟堅此舉差強人意宜乎綱目書以予之

也

夏四月車至長安

卓至長安公卿迎拜車下卓因抵手謂皇甫嵩曰義真怖未乎嵩曰明公以德輔朝廷大

慶方至何怖之有若淫刑以質實義真皇甫嵩表字逞將天下皆懼豈獨嵩乎

六月地震○袁紹逐冀州牧韓馥自領州事

初何進遣張楊募兵并州會進敗楊翳上黨有眾數千人至是歸袁紹於河內與南單于

屯漳水韓馥以豪傑多歸心袁紹忌之陰節其糧欲使離散紹客逢紀謂紹曰將軍舉大

事而仰人資給不據一州無以自全韓馥庸才可密要公孫瓚使取冀州馥必駭懼因遣

辯士為陳禍福馥迫於倉卒必有遜讓紹以書與瓚瓚遂引兵至馥與戰不利會董卓入

關紹還軍延津使馥所親辛評荀諝郭圖等說馥曰公孫瓚將燕代之卒乘勝來南其鋒

不可當表車騎引軍東向其意亦未可量也
 竊為將軍危之馥懼曰然則為之柰何謀曰
 君自料寬仁容衆孰與袁氏智勇過人孰與
 袁氏世布恩德孰與袁氏馥曰皆不如也謀
 曰袁氏一時之傑將軍資三不如之勢又處
 其上彼不為將軍下也夫冀州天下之重資
 也彼若與公孫瓚并力取之危亡可立而待
 也然袁氏將軍之舊且為同盟當今之計若
 舉冀州以讓袁氏彼必厚德將軍瓚亦不能
 與之爭矣是將軍有讓賢之名而身安於秦
 山也馥性惟怯因然其計馥長史耿武別駕
 閔純治中李歷聞而諫曰袁紹孤客窮軍仰
 我鼻息譬如嬰兒在股掌之上絕其哺乳立
 可餓殺柰何欲以州與之馥曰吾袁氏故吏

且才不如本初度德而讓古人所貴諸君獨
 何病焉馥乃避位讓紹從事皆棄馥去獨武
 純挾刀拒紹紹皆殺之承制以馥為奮威將
 軍而無所將御以沮授為奮武將軍使監護
 諸將審配田豐並以正直不得志於馥紹以
 豐為別駕配為治中及許攸逢紀荀諲皆為
 謀主紹又以朱漢為都官從事漢嘗為馥所
 不禮於是發兵圍馥第收馥大兒折其兩足
 紹收漢殺之馥猶憂怖去依張邈後
 紹使至與邈耳語馥謂圖已遂自殺
 逢皮江反姓也案楊子逢蒙分其弓主逢莫
 江反仰我鼻息仰五亮反待也鼻息謂鼻中
 之氣息言其易與也從事從軍職參謀議將
 軍屬官亦刺史屬官沮授姓名沮側余反風

集覽

通鑑紀事本末卷之三 漢書卷之三 三十一

俗通曰黃帝時 **正誤** 仰我鼻息今按仗 **質實** 史官沮誦之後 我呼吸之力也

上黨郡名注見周赧王五十三年一統志云 漳水在潞州城西南二十里即濁漳水也源 出長子縣西發鳩山東北流至州境經襄 垣黎城與清漳水合延津注見建安五年

書法 於是辛評等說馥讓紹則其直書逐 何誅意也紹於是不得為義舉矣綱

自終紹之身無子辭然則推紹為盟主何 以書若曰以為盟主而卒若是焉所以深 責紹也

發明 袁紹四世五公負海內重望首與何 進唱誅宦官之謀挑發禍機遂至逆

賊暴亂傾覆漢祚洗毒生民四海分崩禍 亦烈矣紹既身為盟主固當奮不顧死戮 力王室庶可少贖前日之失况袁隗之死 舉家屠戮尤當痛心疾首務殄讐賊夫何 自舉義以來未聞遣一兵馳一騎進攻賊 黨顧乃更相吞噬務自封殖果何為者綱 自書紹逐冀州牧自領州事文無貶詞而 其緩於勤王急於僭竊之意隱然自見於 書法之間他時奔敗之餘嘔血 而死蓋天誅之也何足道哉

袁紹表曹操為東郡太守

鮑信謂曹操曰袁紹為盟主因權專利將自 生亂是復有一卓也抑之則力不能制且可

規大河之南以待其變操善之會黑山白繞等十餘萬眾畧東郡操引兵擊破之袁紹因表操為東郡太守

集覽

可規規圖也黑山白繞黑山賊之號白繞其姓

名

質實

黑山注見靈帝中平二年東郡注見光武建武八年一統志云東武陽漢

初縣名屬東郡東漢改為郡尋復為武陽縣魏晉俱屬陽平郡北齊廢後周復置屬魏郡隋屬莘州後屬魏州唐改為武聖縣又改為朝城以縣東古廟城為名元和中屬澶州後屬魏州五代晉屬大名府宋屬開德府金屬大名府元屬濮州本朝因之改屬東昌府

卓以張楊為河內太守

南單于劫楊以叛袁紹屯黎陽故卓因而用之

質實

黎陽縣名注見成帝綏和二年

書法

復書卓以卓至長安也

冬十月卓殺衛尉張溫

太史望氣言當有大臣戮死者董卓使人誣告溫罪笞殺以應之

黃巾寇渤海校尉公孫瓚擊破之

考異

據中平元年書


朱儁趙謙曹操王允等討黃巾此誤書擊

公孫瓚攻袁紹以劉備

為平原相

劉虞子和為侍中帝使逃歸令虞以兵來迎
袁術留和使以書與虞虞遣騎詣和公孫瓚
亦遣其弟越以騎詣術教術執和奪其兵虞
瓚由是有隙是時關東州郡務相兼并以自
疆大袁紹袁術亦自相離二術遣孫堅擊董
卓未返紹遣周昂襲奪堅陽城堅歎曰同舉
義兵將救社稷逆賊垂破而各若此吾當誰
與戮力乎引兵擊昂走之袁術遣公孫越助
堅攻昂越為流矢所中死公孫瓚怒曰余弟
死禍起於紹遂出軍屯磐河數紹罪惡進兵
攻之冀州諸城多畔從瓚初涿郡劉備中山
靖王之後也少孤貧與母以販履為業有大
志少語言喜怒不形於色嘗與瓚同師盧植
因往依瓚至是瓚使與其將田楷徇青州有

功因以為平原相備少與河東關羽涿郡張
飛友善以羽飛為別部司馬分統部曲備與
二人寢則同牀恩若兄弟而稠人廣坐侍立
終日隨備周旋不避艱險常山趙雲為郡將
兵詣瓚瓚曰聞貴州人皆願袁氏君何獨迷
而能反乎雲曰天下訥訥未知孰是民有倒
懸之厄鄙州論議從仁政所在不為忽袁公
私明將軍也劉備見而奇之深加接納雲遂
從備至平原
集覽 陽城注見秦二世元年願
為備主騎兵 袁氏願念也歸也訥訥音
凶衆語也史 皆願袁氏今
昭音詡拱反 **正誤** 按願欲也 **質實** 涿郡注
見帝玄
東郡名注見建安七年常山郡名注見光武
河



建武九年

袁術使孫堅擊劉表軍射殺之

初袁術得南陽戶口數百萬而術奢淫肆欲徵歛無度百姓苦之稍稍離散既與袁紹有隙各立黨援以相圖術結公孫瓚而紹連劉表術使孫堅擊表表遣其將黃祖逆戰堅擊破之遂圍襄陽表夜遣黃祖潛出發兵欲還堅逆與戰祖敗走堅乘勝夜追祖祖步兵射堅殺之堅所舉孝廉桓階詣表請堅喪表義而許之術由是不能勝表

質實 襄陽

縣名注見建安十二年桓階長沙臨湘人

書法 堅初舉義綱目書討既而敗卓特書進兵皆予辭也於是而為術所使內

自相攻則非死於國矣書術使書射殺之惜之也

發明 孫堅前有破賊之功綱目方書而予之今乃為袁術所使則非義矣不死

於勤王而死於助桀直書于冊可勝惜哉

河南尹朱雋移書州郡徵兵討卓

初董卓入關留雋守雒陽而雋潛與山東諸將通謀東屯中牟移書州郡徵兵討卓徐州刺史陶謙遣精兵三千助之餘州郡亦皆有所給

質實 中牟縣名注見獻帝初年

建武九年 卷之三十一 二五

通鑑綱目卷之三十三
三十二年徐州注見秦始皇二十八年彭越陶謙呂陽人

書法 移書討卓何予儁也書移書始此終綱目書移書一移檄七是年晉惠帝

永興二年東海王越際帝建興四年丞相
睿元帝永昌元年詔王丕戊辰年梁相東
王繹唐僖宗中和元年鄭畋高駢哀帝天
祐四年淮南等惟丞相睿湘東王高駢為

辭譏

發明 按春秋魯莊公九年書及齊師戰于乾時我師敗績傳者謂內不言其敗

此其言敗者為與讐戰雖敗亦榮也夫莊公非能復父之讐特因他事舉兵春秋首

書而予之况真能復讐者乎朱儁討卓才幾反為所敗畧無尺寸之功然綱目書移書州郡召兵討卓若有深嘉樂予之意者急於討賊故成敗利鈍有不暇顧耳使其果能因此殄賊書法又可知矣

劉馬殺漢中太守斷斜谷閣 **考異** 提要無閣字

馬在益州陰圖異計沛人張魯自祖父陵以來世為五斗米道客居于蜀焉以為督義司馬與合兵掩殺漢中太守斷斜谷閣殺害漢使作乘輿車時馬子璋為奉車都尉在長安帝使璋喻馬 **集覽** 五斗米道靈帝時漢中有馬留不遣 張脩為人療病令病家出

米五斗號五斗米師聚眾寇叛時謂之米賊
斜谷閣崔浩曰斜谷路險不容行架木為棚
而度曰閣道漢中郡國志府西北入斜谷路
至鳳州界百五十里有棧閣二千九百八十
九間板閣二千八百九十二間
斜谷注見成帝元延三年褒斜


發明

劉焉始因益州分野有天子氣遂求
為牧今又所為若此則其貪圖非望

為何如哉是時逆賊暴亂焉為宗姓不能
唱義誅討反肆桀逆書殺漢中太守斷斜
谷閣其罪殆
與卓等矣

管寧邴原王烈適遼東

公孫度威行海外中國人士避亂者多歸之
北海管寧邴原王烈皆往依焉寧少時與華
歆為友嘗共鋤菜見地有金寧揮鋤不顧歆
提而擲之人以是知其優劣邴原遊學八九
年而歸師友以原不飲酒會米肉送之原曰
本能飲酒但以荒思廢業故斷之耳今當遠
別可一飲於是共飲終日不醉寧原俱以操
尚稱度虛館以候之寧既見度乃廬於山谷
避難者漸來從之旬月而成邑寧每見度語
唯經典不及世事還山專講詩書習俎豆非
學者無見也由是度安其賢民化其德邴原
性剛直清議格物度已下心不安之寧謂
原曰潛龍以不見成德言非其時皆招禍之
道也密遣原逃歸度亦不復追也烈器業過



人善教誘有盜牛者王得之盜請罪曰刑戮是甘乞不使王彥方知也烈聞而使人謝之遺布一端或問其故烈曰盜懼吾聞其過是有耻惡之心既知耻惡則善心將生故與布以勸為善也後有老父遺劍於路行道一人見而守之至暮老父還尋得劍恠之以事告烈烈使推求乃先盜牛者也諸有爭訟曲直將質之於烈或至塗而反或望廬而還皆相推以直不敢使烈聞度欲以為長

集覽

荒恣荒迷

受彥方

正誤

格物今按格謂標品之也

質實

北海郡名注見桓帝永康

元年青州管寧朱虛人(柳原同)上王烈太原人華歆高唐人

書法

特筆也三賢去就綱目每謹書之

壬申三年春正月卓遣校尉李傕郭汜張濟擊朱

儁於中牟破之遂掠潁川

初荀淑有孫曰或少有才名何顥見而異之曰王佐才也及天下亂或謂父老曰潁川四戰之地宜亟避之鄉人多懷土不能去或獨率宗族去依韓馥會袁紹已奪馥位待以上

賓之禮或度紹終不能定大業聞曹操有雄
畧乃去從操操與語大悅曰吾子房也以爲
奮武司馬至催汜既破中牟遂集覽穎川注
掠穎川其鄉人留者多爲所殺見秦二
世三年四戰之地言四面受敵奮武司馬奮
武將軍之號司馬將軍屬官秩百石中牟地
理志云河南中牟縣今屬汴州縣在州西北
二十里正義曰此春秋鄭之邑也趙地亦有
中牟縣相州蕩陰西五十八里質實一統志
有牟山案中牟在牟山之側云中牟

漢之縣名屬河南郡晉屬滎陽郡後魏省尋
復置東魏增置廣武郡隋初廢郡改縣曰內
牟屬鄭州唐復改中牟縣并置牟州尋罷州
以縣屬管州龍朔初屬鄭州五代梁屬開封
府唐屬鄭州宋屬開封府金元俱
仍舊 本朝因之仍屬開封府

書法 書掠賊之也

袁紹擊公孫瓚於界橋大敗之

袁紹自出拒公孫瓚戰於界橋南二十里瓚
兵三萬甚銳紹令麴義領精兵八百先登彊
弩千張夾承之瓚輕其兵少縱騎衝之義兵
伏插下不動未至數十步一時同發謹呼動
地大敗瓚軍斬其將嚴綱追至瓚營拔其牙
門餘衆皆走初交州刺史劉岱與紹瓚連和
紹令妻子居岱所瓚亦遣從事范方將騎助
岱及瓚破紹軍語岱令遣紹妻子勅方若岱

不遣紹家將騎還。佗問程昱，昱曰：「棄近援而求遠助，此假人於越，以救溺子之說也。」瓚非紹敵，終為所禽，佗從之。方

集覽

牙門，牙旗名也。古者軍行

則建立牙於軍門，尊者所在，後人因以所治為牙。真人水鏡經曰：「凡軍初出，立牙竿，必令完堅。若有折損，將軍不利。」牙門，旗竿軍之精也。即周禮軍旅會同置旌門是已。紹家句絕，謂袁紹妻子。

夏四月王允使中郎將呂布誅董卓詔允錄尚書事以布為奮威將軍共秉朝政

董卓以其弟晏為左將軍，兄子璜為中軍校尉，皆典兵爭宗族內外，並列朝廷，侍妾懷抱中子皆封侯，弄以金紫，車服僭擬，招呼三臺尚書以下，詰府啟事，築塢於郿，高厚皆七丈，積穀三十年儲。自云事成，雄據天下，不成守此，足以畢老。卓忍於誅殺，諸將言語有蹉跌，便戮於前，人不聊生。司徒王允與司隸校尉黃琬、僕射士孫瑞密謀誅卓。中郎將呂布便弓馬，膂力過人，卓愛信之，誓為父子。然卓性剛褊，嘗小失卓意，卓拔手戟擲布，布拳捷避之。卓意亦解，允素善待布，布見允言狀，允因以誅卓之謀告之，使為內應。布曰：「如父子何？」曰：「君自姓呂，本非骨肉，擲戟之時，豈有父子情邪？」布遂許之。四月，帝有疾，新愈，大會未央。

殿卓朝服乘車而入陳兵夾道屯衛周匝令
呂布等捍衛前後王允使士孫瑞自書詔以
授布布令勇士十餘人僞著衛士服守北掖
門卓入以戟刺之卓衣甲不入傷臂墮車顧
大呼曰呂布何在布曰有詔討賊臣應聲持
矛刺卓趣兵斬之卽出懷中詔板以令吏士
曰詔討卓耳餘皆不問吏士皆稱萬歲百姓
歌舞於道士女賈衣裝市酒肉相慶宗族在
鄆皆爲其群下所殺暴卓屍於市卓素充肥
守吏爲大炷置臍中然之光明達曙如是積
日塢中有金二三萬斤銀八九萬斤錦綺奇
玩積如丘山以王允錄尚書事呂布爲奮威
將軍假節儀比三司封溫侯共秉朝政卓之
死也蔡邕在王允坐聞之驚歎允勃然叱之

曰董卓國之大賊幾亡漢室君爲王臣所宜
同疾而懷其私遇反相傷痛豈不共爲逆哉
卽收付廷尉邕謝曰身雖不忠願黥首刖足
繼成漢史太尉馬日磾謂允曰伯喈曠世逸
才多識漢事當續成後史爲一代大典而所
坐至微誅之無乃失人望乎允曰昔武帝不
殺司馬遷使作謗書流於後世方今國祚中
衰戎馬在郊不可令佞臣執筆在幼主左右
旣無益聖德復使吾黨蒙其訕議日磾退而
告人曰王公其無後乎善人國之紀也制作
國之典也滅紀廢典其能久乎邕遂死獄中
初黃門侍郎荀攸尚書鄭泰侍中种輯等謀
曰董卓驕忍無親雖資彊兵實一匹夫耳可
直刺殺也事垂就而覺收繫獄會卓死得免

集覽 弄以金紫弄戲金章紫綬也謂懷抱中
小兒皆封侯故云弄士孫瑞姓士名孫

瑞拳捷拳壯勇也捷便疾也詩無拳無勇注
拳力也衷甲衷懷也貫甲於衣之內也春秋

傳曰子木衷甲以禍人詔版注見靈帝建寧
元年假節假去聲奮威將軍本無節今以節

假之者欲以重其威也節注見靈帝熹
平六年温侯温注見周赧王二十九年 **正誤**

士孫瑞今按後漢書王允傳士孫瑞字君策
下文凡兩見皆止書瑞然則士孫蓋複姓也

魏有樂陵太 **質實** 築塢於郿說文塢壘壁也
守士孫德祖 一曰庫城服虔曰營居白

塢亦作隄郿縣名注見靈帝中平六年一統
志云郿塢在鳳翔府郿縣東北一十里漢本

董卓封郿侯據此築塢積穀徙
金銀雜物於其內呂布九原人

書法 書使何歸功允也是故呂布之誅董
卓書王允使田神功之敗朝義書光

弼使皆歸功其上者也誅例有二書伏誅
者重辭也直書誅者快辭也綱目書廢君

而弑之者二十賊討者四書弑君者七十
三弑書殺者八賊討者二十六蓋什得其

二三焉亂豈有極
哉詳周赧王五年

發明 卓身負大逆蕩覆帝室罪不容誅然
當時諸人環視四顧無有能討之者

惟王允潛布腹心克殄元惡故綱目書允
使呂布誅董卓其歸功於允彰彰明矣豈

以其不終之故
而遂泯其實乎

黃巾寇兖州殺刺史劉岱曹操入據之自稱刺

史

青州黃巾寇兖州劉岱欲擊之濟北相鮑信諫曰今賊眾百萬百姓皆震恐士卒無鬪志不可敵也然賊軍無輜重唯以鈔畧為資今不若畜士眾之力先為固守彼欲戰不得攻又不能其勢必離散然後選精銳據要害擊之可破也岱不從遂與戰果為所殺曹操部將陳宮謂操曰州今無主而王命斷絕宮請說州中綱紀明府尋往收之資之以收天下

此霸王之業也宮因往說別駕治中迎操領兗州刺史賊眾精悍操兵寡弱操撫循激厲明設賞罰乘閒設奇晝夜會戰戰輒獲賊遂退走鮑信戰死操追至濟北悉降之得卒三十餘萬收其精銳號青州兵詔以金尚為兖州刺史將之部操逆擊之尚奔袁術

覽

綱紀注見宋文帝元嘉元年

賞

濟北國名注見楚義帝元年

書法

於是詔以金尚為兖州刺史操逆擊之尚奔袁術書據書自稱綱目之於

操可
見矣

李傕郭汜等舉兵犯闕殺司徒王允呂布走出

關


初呂布勸王允盡殺董卓部曲允曰此輩無罪不可布欲以卓財物班賜公卿將校允又不從允素以劔客遇布布負其功勞多自誇伐既失意望漸不相平允性剛稜疾惡初懼董卓故折節下之卓既殲滅自謂無復患難頗自驕傲以是群下不甚附之允始與士孫瑞議特下詔赦卓部曲既而疑曰部曲從其主耳今若名之惡逆而赦之恐適使深自疑非所以安之也乃止又議悉罷其軍或說允曰涼州人素憚袁氏而畏關東今若一旦解兵開關必人人自危可以皇甫嵩真為將軍就領其衆因使留陝以安撫之允曰不然

東舉義兵者皆吾徒也今若距險屯陝雖安涼州而疑關東之心不可也時百姓訕言當悉誅涼州人卓故將校遂轉相恐動皆擁兵自守李傕等還至陝遣使詰長安求赦不得傕等益懼欲各解散間行歸鄉里校尉賈詡曰諸君若棄軍單行則一亭長能束君矣不如相率而西以攻長安為董公報讐事濟奉國家以正天下若其不合走未後也傕等然之乃相與結盟率軍數千晨夜西行隨道收兵比至長安已十餘萬與卓故部曲樊稠李蒙等合圍長安城峻不可攻守之八日呂布軍有叟兵內反引傕衆入城放兵虜掠呂布與戰不勝將數百騎駐馬青瑣門外招王允同去允曰若蒙社稷之靈上安國家吾之

願也如其不獲則奉身以死之朝廷幼少恃我而已臨難苟免吾不忍也努力謝關東諸公勤以國家為念太常种拂戰死催汜屯南官掖門王允扶帝上宣平門避兵催等於城門下伏地叩頭曰董卓忠於陛下而無故為呂布所殺臣等為車報讎非敢為逆也請事畢請廷尉受罪圍門樓共表請王允出問太師何罪允窮蹙乃下見之催等收司隸黃琬殺之王允以宋翼為馮翊王宏為扶風催等欲殺允乃先徵翼宏宏遣使謂翼曰汜催以我二人在外故未危王公今日就徵明日俱族計將安出翼曰雖禍福難量然王命所不得避也宏曰關東義兵鼎沸欲誅董卓今若舉兵共討催等與山東相應此轉禍為福之計也翼不從宏不能獨立遂俱就徵催收允及翼宏并殺之屍王允於市莫敢收者故吏趙戩棄官收葬之呂布自武關犇南陽袁術待之甚厚布恣兵抄掠術患之布不自安去從張楊於河內催等購求布急又逃歸袁紹既而復歸張楊始允自專討卓之勞士孫瑞歸功不侯故得免於難司馬公曰易稱勞謙君子有終吉士孫瑞有功不伐以保其身可不謂之

集覽

剛稜稜盧登反威也字亦作稜前書李廣傳威稜憺乎隣國注李奇曰神靈之威曰稜叟兵兩漢博聞曰叟兵即蜀兵也漢代謂蜀曰叟掖門韋昭曰宮中小門在正門之旁者如左右之掖宣平門三輔黃圖云長安都城十二門東出北頭第



一門曰宣平民
間所謂東都門
拂河南雒陽
人嵩之子
陝縣名注見周顯王四
十五年賈詡武威人種

發明 以當時言之。催汜之變。激於允之不
能容。使允能從。或者之議。以皇甫嵩

就領其衆。不然。因其求救而赦之。亦足少
安反側之心。未必召禍如是之烈。然綱目

於此。畧無咎允之意。何哉。允身為大臣。密
謀討賊。不動聲色。使弒逆之虜。一旦勦滅。

其有功於漢多矣。天若祚漢。必無反覆之
理。不幸漢德告終。逆黨復出。故允身罹不

測之禍。而漢亦隨之。此則天之所廢。非特
人謀不善之失也。綱目書催汜舉兵犯關。

則見逆賊反叛之罪。書殺司徒王允。則允
無罪。見殺死於其位之節。然則懲惡勸善。

允義知有逆順而不知
事有成敗也。豈不嚴哉。

秋七月遣太傅馬日磾太僕趙岐和鮮關東

書法 書和鮮關東何譏也。天子者是非曲
直之主也。關東諸將舉兵相攻。其是

非曲直必有在矣。不能分辨而匡直之。乃
遣大臣持節和鮮。甚矣其不振也。直書譏

之終綱目書遣使和鮮。二是年
唐昭宗乾寧二年皆衰世也。

○九月李傕郭汜樊稠張濟自為將軍

催汜稠筦朝政
濟出屯弘農

以馬騰為將軍屯郿

董卓入關召韓遂馬騰以圖山東至會
卓死催等皆以為將遣遂還留騰屯郿

郿縣名注見靈
帝中平六年

冬十月以劉表為荊州牧○曹操遣使上書

曹操辟毛玠為治中從事玠言於操曰今天
下分崩乘輿播蕩生民廢業饑饉流亡公家
無經歲之儲百姓無安固之志難以持久夫
兵義者勝守位以財宜奉天子以令不臣

耕植以畜軍資如此則霸王之業可成也操
納其言遣使詣河內太守張楊欲假塗西至
長安楊不聽董昭說楊曰袁曹雖睦勢不久
群曹今雖弱然實天下之英雄也宜通其上
事并表薦之若事有成永為深分楊從之昭
乃為操作書與催汜等致殷勤催汜議留操
使黃門侍郎鍾繇說曰方今英雄並起各矯
命專制唯曹交州乃心王室而逆其忠款非
所以副將來之望也催
汜從之繇皓之曾孫也
集覽 深分分扶問反
交好也鍾繇姓
名繇古由
質實 毛玠陳留平丘人董昭濟
字或音宙 陰人鍾繇潁川長社人

徵朱雋為太僕


陶謙與守相共奏記推朱儁為太師曰移檄牧伯欲以同討李傕奉迎天子會李傕用尚書賈詡策徵儁入朝儁乃辭謙議而就徵復為太僕范曄曰皇甫嵩朱儁並以上將之畧當倉卒之時而舍格天之大業蹈匹夫之小諒卒狼狽虎口為智士笑豈天之長斯亂也何智勇之集覽狼狽狼似犬頭銳短白高前足二者相附而行離則蹶也故人猝遽無措謂之狼狽神異經曰狼無前足附狼而行故曰狼

祭明 儁前唱義討賊功雖不就志亦可嘉今催汜暴亂劫制朝廷於是諸守

共推儁為主使儁能因此糾率同盟力扶王室豈不甚美顧乃俛首以就李傕之召何耶且儁尚能移檄討卓又何畏於催汜哉綱目書召儁為太僕文無貶詞然是時朝命出於催汜則儁之就召其屈身從可知矣忠智俱失貽譏千古是果誰之咎歟
癸酉 四年春正月朔日食○袁術進兵封丘曹操

擊破之術走壽春自領揚州事

術為劉表所逼進兵北向為曹操所破走歸逐所置揚州刺史陳瑀據壽春領州事李傕欲術為援以質實封丘縣名注見唐僖宗中為左將軍和四年揚州刺史東漢所



置治壽春領廬江九江會稽丹陽豫章六安六郡注見秦王政四年壽春

袁紹以其子譚為青州刺史

袁紹與田楷連戰二年士卒疲困糧食並盡互掠百姓野無青草紹以其子譚為青州刺史楷與戰不勝會趙岐來和

三月魏郡兵與黑山賊于毒等共覆鄴城

一統志云鄴城在彰德府臨漳縣西二十里本戰國魏之鄴邑三國魏後趙前燕東魏皆都於此又注見建安十五年

書法

書寇陷多矣未有書曰覆鄴城士民之冷炭甚矣綱目寇陷書覆

一而已

以陶謙為徐州牧

考異

以上漏圈子

徐州治中王朗勸刺史陶謙遣使奉貢故有是命仍以朗為會稽太守

質實

王朗

東海人會稽郡名注見和帝末元元年

夏六月大雨雹

○華山崩

質實

一統志云華山在西安府

華陰縣南一十里即西嶽也白虎通云西方太陰用事萬物生華故曰華山

書法 華山何西嶽也。削書嶽山裂矣。桓帝延熹四年裂異也。木若崩且裂之甚也。是故書華山崩而漢亡。書恒山崩而晉亡。安帝義熙五年皆帝業所由起也。終綱

自嶽崩者二

○袁紹擊于毒左髭丈八等皆斬之。○秋曹操

擊徐州陶謙走保郟

前太尉曹嵩避難在瑯邪其子操迎之嵩輜重百餘兩陶謙別將守陰平掩襲高於華費間殺之秋操引兵擊謙攻拔十餘城至彭城大戰謙敗走郟操坑殺男女數十萬口於泗

水攻郟不克乃去攻破城邑皆屠之。鷄犬亦盡墟邑無復行人。**集覽** 瑯邪今沂州本漢瑯邪國括地志云今兗州東沂州密州皆古瑯邪地陰平城名在邳州蘭陵縣

今陰平村是華費二縣俱屬東海郡華胡化反費音秘正義曰費或音扶味反今沂州費縣是彭城注見秦始皇二十八年郟注見秦

二世二年墟邑墟本作虛前書賈誼策社稷為虛又詩定之方中萬升**質實** 曹嵩沛國譙人中常侍騰彼虛矣朱氏曰虛故城也

之養子一統志云陰平漢之縣名屬東海郡晉廢之故城在淮安府沐湯縣西北六十里費漢之縣名屬東海郡東漢屬泰山郡晉屬瑯邪國後魏徙治縣北陽山口隋初徙治枋

通鑑卷之九十二 唐復置宋金元仍舊 本朝
城屬沂州後廢唐復置宋金元仍舊 本朝
因之屬兗州府瑯邪郡名注見新莽天鳳四
年泗水注見秦
如皇二十八年

冬十月地震○有星孛于天市○大司馬劉虞

討公孫瓚不克見殺

考異

按分注虞與瓚積不
相能虞遣使奉章陳

其暴掠之罪瓚亦上虞稟糧不周二奏交馳互
相非毀朝廷依違而已詳考事情瓚非叛賊之
比難以討書又按興平二年
書虞子和攻公孫瓚不書討

虞與瓚積不相能虞遣使奉章陳其暴掠之
罪瓚亦上虞稟糧不周二奏交馳互相非毀

朝廷依違而已瓚乃築小城於薊城東南以
居虞恐其終為亂乃率兵十萬討之時瓚部
曲放散在外倉卒掘城欲走虞兵無部伍不
習戰又愛民廬舍不聽焚燒戒軍士曰無傷
餘人殺一伯珪而已攻圍不下瓚乃簡募銳
士數百人因風縱火直衝突之虞眾大潰瓚
執虞會詔遣使者段訓增虞封邑瓚乃誣虞
前與袁紹等謀稱尊號脇訓斬虞及妻子於
薊市傳首京師故吏尾敦於路劫歸葬之虞
以恩厚得衆心北州流舊莫不痛惜初虞欲
遣使奉章詣長安而難其人眾咸曰右北平
田疇年二十二年雖少然有竒才虞乃備禮
請以為掾而遣之疇選家客二十騎循間道
至長安致命詔以為騎都尉不受得報馳還

比至虞已死疇謂祭虞墓陳發章表哭泣而去
去瓚怒購求獲疇謂曰汝不送章報我何也
疇曰漢室衰頹人懷異心惟劉公不失忠節
章報所言於將軍未美恐非所樂聞故不進
也且將軍既滅無罪之君又讐守義之臣疇
恐燕趙之士將皆蹈東海而死莫有從將軍
者也瓚乃釋之疇比歸無終率宗族及他附
從者數百人掃地而盟曰君讐不報吾不可
以立於世遂入徐無山中營深險平敞地而
居躬耕以養父母百姓歸之數年間至五千
餘家疇謂其父老曰今衆成都邑而莫相統
一又無法制以治之恐非久安之道疇有愚
計願與諸君共施之可乎皆曰可疇乃為約
束相殺傷犯盜評訟者隨輕重抵罪重者至

死凡三十餘條又制為婚姻嫁娶之禮與學
校講授之業班行於衆衆皆便之至道不拾
遺北邊翕然服其威信烏桓鮮卑各遣使致饋遺疇悉撫納令不為寇
相能積日久也素也不相能注見武帝元朝
五年伯珪公孫瓚表字尾敦姓名也劉虞故
吏流舊流寓之故舊蹈東海而死此戰國趙
策魯仲連語也注見齊高帝建元元年無終
注見漢王劉邦元年徐無山括地志云山在
今平州盧龍縣之北白檀山之南間至屬下
句間猶言近也謂近間來附從者至五千餘
家也為約束案韻會約字下注以言語要結
戒令檢束 **正誤** 數年間至五千餘家今按間
皆曰約束 **正誤** 字當屬上句言百姓歸之數

年之間多至**劉實**一統志云劉虞墓在順天

府涿州治東三十里無終漢之縣名屬右北

平元魏屬漁陽郡後省唐復置屬幽州後改

為玉田縣因漢陽雍伯種石得玉故名神龍

初屬營州後還屬幽州又改屬薊州五代至

遼仍舊宋為經州金復為玉田縣元仍舊

本朝因之屬順天府徐無山在順天府玉田

縣東北二十里開山圖云山出不灰之

木生火之石後漢田疇嘗避難於此

書法

袁紹於瓚書擊此其書討何無上也

唯劉虞得書之殺未有書見殺者書


見殺不以下加上之辭也綱目之

發明

書大司馬則見不失其官書討公

死不矢節蓋瓚本受虞節度而乃暴橫抗

十一月地震



十一日

此書與兵部之名... 大領蓋... 黃原... 書大...

